



La Quotidiana  
 7007 Cuir  
 081/ 255 57 10  
 www.laquotidiana.ch

Medienart: Print  
 Medientyp: Tages- und Wochenpresse  
 Auflage: 4'063  
 Erscheinungsweise: 5x wöchentlich

Seite: 6  
 Fläche: 59'706 mm<sup>2</sup>

Auftrag: 3007101  
 Themen-Nr.: 999.222

Referenz: 68916809  
 Ausschnitt Seite: 1/2

# En turisticcher tras e tras ò referia

Lai: Referat da Dominique de Buman



Romano Paterlini, igl president dalla pcd Alvra-Surses, igl president digl cunsegl nazional Dominique de Buman e Reto Crameri tgi ò mess a strada igl referat a Lai (da san.).

PDS

■ (pb) Sonda passada ò la pcd Alvra-Surses anvido ad en referat public agl Hotel Guardaval a Lai. Igl referent era chel cunsiglier nazional tgi è durant igl 2018 president dalla tgombra gronda a Berna ed è damais igl pi ot Svizzer: Dominique de Buman, pcd digl cantun Friburg. Igl tema digl sies referat: igl turissem. Igl president dalla pcd Alvra-Surses, Romano Paterlini, ò fatg igl bavagnaint agls preschaints. Ins vegia panso da betg lascher passar la caschung, essend tgi Dominique de Buman era rivo cun en manaschunz sonda seira a Lai e geva alloura anavant a Beiva noua tgi el pernottava agl Hotel Post. Per igl de siva far igl pass vers Nagiadegna e lò absolver las sias obligaziuns represchentativas an uffezu scu president digl cunsegl nazional

tar egn digls pi gronds events da sport an nossa tera. Dominique de Buman è en expert an dumondas turisticas e chegl scu president da Svizra Turissem e scu president dall'Associazion svizra dallas pendicularas.

## Igl Grischun ò en nom aint igl turissem

Dominique de Buman ò tematiso las sfidas generalas tgi on perturgia igls davos onns igl turissem e chellas tgi spetgan igls proxims onns. An Svizra seia igl Grischun ena marca turistica. Ins vegia bagn gia da piteir en tant igls davos onns dalla concorrenza e zont dalla cumparegliazion digls prietschs cun la tera vaschigna, l'Austria. Betg igl davos perveia digl franc tgi era mengia ferm. Ossa dettigli cò ena

angulivaziun ed igl foss seia davanto pi strètg. Igl grond problem seian igls costs da paias tgi montan aint igl turissem treis quartas digls costs totals. An chel connex ò igl cunsiglier nazional er menziuno igl problem da persunal aint igl turissem an general ed ainten la gastronomia an spezial. I seia er en fatg tgi las paias ainten la branscha turistica seian simplamaintg pi bassas tgi ainten igl rest dall'economia. Er per plazzas da cader. Las paias bassas vegian er la conseguenza tgi ins vegia blearas persungas digl exteriour scu ampluias. La mutivaziun da lavour seia er betg schi gronda schi ins seia sez betg participo ve digl travagl.

Igl referent è er antro sen igls meds finansials da promoziun dalla confederaziun per igl turissem. Chels vignan betg



a neir augmentos igl proxim taimp, ma repartias oter. Pi systematic ed en criteri impurtant vigna ad esser l'innovaziun.

### Cartas per sur onn

La digitalisaziun vigna er ad esser ena sfida per igl turissem digl avigneir. Zont la plattform da reservaziun «booking». Chella detta bagn en tant spazi agls hoteliers, ma ins duess tgirar tant scu pussebel las resursas humanas ainten la gastronomia e las qualitäts tgi vignan da chellas varts. Scu president dall'Associaziun svizra dallas pendicularas constatescha de Buman tgi geia tuttegna en gnoul migler alla branscha. D'ena vart cun las stentas politicas tgi ins vegia fatg dall'associaziun anor. Ed onns cun en tal anvien scu igl current possan er gidar en tant. Ins vegia er fatg gronds sforzs an direziun digl marketing. En oter problem è tgi las societads da pendicularas vignan betg da far las investiziuns ord atgna forza e dumondan veaple igl sustign digl mang public u ansomma dalla regiun turistica. Tals sustigns ins possa tenor basigns bagn dar, ma an nign cass per igl travagl, è igl referent persvadia. En tema tgi vala da perseguitar tar las societads da pendicularas è da risguardar tgi las staschungs d'anviern vegian la tendenza da neir adegna pi curtas ed ins duess dar duple atenziun alla stad. Chegl pertotga er las cartas da staschung dallas pendicularas. Ins duess pansar ve dad ena carta tgi vala er per la stad. Chegl vigna er gio fatg e duess esser en tema tar mintga societad.

### Centrum da sport d'anviern

Las taxas da cura vei de Buman er scu en problem. I seia er betg dapertot tgi chellas vignan incassadas. Chegl stgaffescha cundiziuns betg mademas ainten las diversas destinaziuns. Tar las dumondas ainten la sagonda part digl referat è er nia an discussiun igl center da sport d'anviern a Lai. «Igl cunsegl federal desista damais ad en tal center ord muteivs da finanzas», constatescha igl referent. Tgi en tal fiss bung è el pero persvadia e vess via ena veia cun differents cantuns ansemen scu bunga alternativa. «I mantga cò la solidaritad tranter igls centers da sport. Essend tgi betg angal Lai, mabagn er otras destinaziuns vessan interess da realisar en tal center ègl grev per igls cantuns da decider igl sustign finanziel dad en center da sport d'anviern ainten en oter cantun.»

Da vart digl publicum è er neida ena constataziun tgi i seia grev da veir tgi las diversas organisaziuns turisticas sen camp naziunal vessan ena direziun strategica ainten la madema direziun. Chesta tesa ò igl referent betg sainz'oter lia sustigneir. Pero managea tgi detta an mintga cass anc potenzial per ena migra collaboraziun strategica. Ed ins vigna an mintga cass er a luvrar vedlonder. Chegl sa tgapescha er da sasez, seia forsa betg gist adegna preschaint ainten igls tgeas digls responsabels ainten las diversas organisaziuns.